

湖南苗防屯政考

7邊4
1992
184



門 74
番 1332
卷 11



苗防屯政考補編

光緒庚寅李春
刊於辰沅道署

湖南苗防屯政考補編小序

苗疆地勢險隘塗徑紛歧前人於扼要之區建設碉卡以資
守望籌邊之策具有精心湘良既纂苗防屯政考一書每思
繪圖補刊俾後之從事苗疆者明相地制宜之要用以勤守
備而固邊防顧以卸篆旋省不能遠憑臆說闕畧之憾耿焉
在心己丑奉檄重巡適得親率屯員周歷要隘飭屯防各廳
縣先繪圖彙以呈攷之舊籍參以目見閱數月而繪事成命
曰碉卡圖而壘堡關門哨臺附焉退食之暇並搜集前刻遺
漏奏疏詳稟諸篇裒爲一冊而重來自治官書稿存數帙因
擇其要者贅諸編末既酬宿願亦以誌再到之雪鴻焉爾光

緒十六年庚寅閏二月上澣蒲圻但湘良識

同知銜前署黔陽沅江縣知縣李弼清

新選岳州府巴陵縣學訓導湯誠航 編次

湖北江夏縣候選訓導顧同熙

衡陽縣候選教諭祝松喬

湖北江陵縣候選訓導鄭經煥 全校

祁陽縣廩生 龍廷弼

長沙縣監生 劉本純繪圖並校

湖南苗防屯政考補編目錄

苗防碉卡總圖

鳳凰廳碉卡圖

乾州廳碉卡圖

永綏廳碉卡圖

古丈坪廳碉卡圖

保靖縣碉卡圖

瀘溪縣碉卡圖

麻陽縣碉卡圖

會奏請將鎮算鎮標暨乾州等營兵丁支領折色月米酌改

本色並借款生息津貼米價摺

湖廣總督 周天爵

前案部議

部議准捐廉酌增鎮軍標暨乾州營本色兵米道光二十一年

稟陳兵勇情形並請加練勇馬戰糧缺道光二十一年

辰沅道 王簡

稟添增練勇馬戰糧缺所需糧餉捐廉支給請 奏明立案

辰沅道 呂恩湛

稟練勇馬戰名糧改增八分可否准其增設並懇 奏明立

辰沅道 呂恩湛

案道光二十五年

湖南布政使 萬貢珍

前案咨覆道光二十五年 辰沅道 呂恩湛

縷陳地方情形并議疏濬沱江稟光緒元年

辰沅道 陳寶箴

前案院批 湖南巡撫 王文韶

稟擬將芷黔兩縣餘存軍穀變價撥存鎮城及各屯倉並將

存放息銀畱存道庫光緒八年 辰沅道 裴蔭森

前案司詳光緒八年 湖南布政使 崇福

稟請將釐金局發典生息銀壹萬兩畱存道庫以資儲備光緒十二年

辰沅道 何樞

前案司局會詳光緒十二年 署湖南布政使 崔穆之

釐金局候補道 但湘良

前案局咨院批 光緒十二年

釐金局 但湘良

附錄 到任察看地方情形稟 光緒十五年

候補道 但湘良

附錄 禁止苗官苗民住城內札 光緒十五年

道 辰沅 但湘良

附錄 稟添設舢板梭巡北河一帶 光緒十五年

道 辰沅 但湘良

附錄 豁免苗稅詳 光緒十五年

道 辰沅 但湘良

前案司咨 光緒十五年

署布 崔穆之

附錄 札飭各屬興文教辦保甲 光緒十五年

政使 崔穆之

附錄 稟援案捐添馬糧 光緒十五年

道 辰沅 但湘良

附錄 前案夾單 光緒十五年

道 辰沅 但湘良

前案司咨 光緒十五年

署布 崔穆之

附錄 示諭禁收斛面 光緒十五年

政使 崔穆之

附錄 稟請免苗寨地方派捐 光緒十五年

道 辰沅 但湘良

前案司咨 光緒十五年

署布 崔穆之

附錄 稟陳苗疆地方雨多歲歉酌收租籽

政使 崔穆之

道 辰沅 但湘良

附錄 稟援案薦舉已保升階之屯守備千總 光緒十五年

道 辰沅 但湘良

附錄 釐定鳳凰廳尊經書院章程稟 光緒十五年

辰沅道 但湘良

附錄 札飭辰州府轉發倡捐辰谿縣書院經費銀兩 光緒十六年

辰沅道 但湘良

附錄 禁建生祠示 光緒十六年

辰沅道 但湘良

附錄 詳定土備弁不准越里挑拔已革不准覆充 光緒十六年

辰沅道 但湘良

湖南苗防屯政考補編

二品銜署湖南辰永沅靖道但湘良纂

會奏請將鎮筵鎮標暨乾州等營兵丁支領折色月米酌改本色並借款生息津貼米價摺

湖廣總督周天爵

奏為湖南省駐劄苗疆兵丁支領折色月米不敷買食據情奏懇天恩酌改本色並借款生息津貼米價以恤兵艱而重營伍仰祈聖鑒事竊照湖南鎮筵鎮總兵額設中左右前四營共兵四千一百五十一名所需月米向係本折兼支每名每年自正月初一日起至五月二十三日止計四箇月零二十三日支給本色自五月二十

湖南苗防中政考
四日起至年底止俱支折色每名日給銀六釐嘉慶九年前任總兵富志那因該營兵食維艱將積存廉俸銀一萬兩歸公於秋稔價平糶穀存貯次年糧價昂貴借給各兵仍照原價扣餉歸還迨道光十六年又經撫臣裕泰

奏請將前項銀兩每年交辰沅道收買屯穀一萬二千五百石計敷該營五箇月口糧尙餘兩箇月零六日俱支折色又乾州協副將及所轄鎮溪河溪共三營額設兵一千九百五十七名每名除餉外年支各縣碾供米一石四斗六升三合計食本色米一百四十六日其餘概支折色每名日給銀六釐此鎮算乾州各營兵丁本折兼支之舊制也嗣據辰沅靖道王簡會同鎮算鎮總兵祥福具

詳以該營在苗疆萬山之中處邊隅極苦之地產穀本屬無多且自田土歸公以後閭閻更鮮蓋藏又無外來米販到境近年糧價增昂每兵日支折色銀六釐糶米僅二三合不獨無以養家子身亦難餬口情形實爲艱窘又據該道詳准署乾州協副將何勝先移會該協三營深處苗疆與鎮算鎮標無異每年每兵僅支本色米一百四十六日實多不敷請照鎮算鎮標一律改支本色米兩箇月零六日其餘五箇月仍支折色等情均經前督臣林則徐先後批司確查議詳茲據湖南布政使龔綬兼理糧儲道李裕堂詳請具

奏前來臣伏查鎮算乾州鎮溪河溪各營均處苗疆要地實與腹地

湖南通志卷之二
迴殊各營兵丁守邊勤苦既無恆產資生又復艱於買食且生齒日繁糧價增昂今昔情形實不相同自應變通調劑俾資飽騰查從前綏靖永綏保靖等營均因僻處苗疆支領折色不敷買食節經前督臣具

奏改支本色在案茲鎮算乾州各營同處苗疆自應援照成案一律改支兩箇月零六日本色以恤兵艱綜計鎮算乾州等營共額兵六千一百零八名每名改支本色米六斗六升共需米四千三十一石二斗八升按照綏靖等營之案每穀一石春熟白米四斗七升共需穀八千五百七十七石一斗九升一合五勺每石例定價腳銀六錢五分該銀五千五百七十五兩一錢七分四釐內除動

支糧道扣回該兵等應支米折銀二千四百一十八兩七錢六分八釐外尙不敷銀三千一百五十六兩四錢六釐在於司庫隨年耗羨內動支彙同永綏綏靖保靖等營兵米一併造冊報銷惟該營等原支本色兵米向係瀘溪辰谿芷江麻陽靖州會同六州縣碾供採買還倉該州縣俱係偏隅極苦之地例支運腳不敷每年解運額米已形竭蹶兼之地瘠民貧採買不易若再行加買不特官民交累更恐別滋事端應請卽由辰沅道赴司領價酌赴產穀之區採買碾供但例定價腳實有不敷必須每石議給價腳銀一兩始敷購辦除例價六錢五分外尙須津貼銀三錢五分共銀三千二兩一分七釐

國家經費有常未敢遽請動支正款司庫又無別項可籌辦理實形支絀查嘉慶二十五年因苗疆經費不敷曾經前督臣

奏明借動地丁銀十萬兩發交漢商分領營運按月一分行息按年解支在案今此項各營米價津貼同為苗疆要需既經費無出合無仰懇

皇上天恩俯准在於司庫應徵十九年地丁內動支銀五萬兩發交漢商承領按月一分行息不扣建加閏每年繳息銀六千兩按年由湖北鹽道催收移解司庫以三千兩歸還成本三千兩津貼米價其不敷銀二兩一分七釐由領買之辰沅道捐給庶兵有足食之樂民無抑價之虞於保衛邊圉洵有裨益所有湖南省駐劄苗疆

奏

兵丁支領折色月米酌改本色並借款生息津貼米價緣由臣謹會同湖南巡撫臣裕泰湖南提督臣楊合詞恭摺具

湖南實錄

補編

四

折色每名日給銀六釐嘉慶九年前任總兵富志那因該營兵食維艱將積存廉俸銀一萬兩歸公於秋稔價平糴穀存貯次年糧價昂貴借給各兵仍照原價扣餉歸還迨道光十六年又經撫臣裕泰

奏請將前項銀兩每年交辰沅道收買屯穀一萬二千五百石計數該營五箇月口糧尚餘兩箇月零六日俱支折色又乾州協及所轄鎮溪河溪等三營額設兵一千九百五十七名每名除月餉外年支各縣碾供米一石四斗六升三合計食本色米一百四十六日其餘概支折色每名日給銀六釐糴米僅二三合不獨無以養家子身亦難餬口情形實爲艱窘請照從前綏靖永綏保靖等營

奏准改支本色成案一律改支兩箇月零六日本色兵米總計鎮算乾州等營共額兵六千一百零八名每名改支本色米六斗六升共需米四千三十一石二斗八升按照綏靖等營之案每穀一石春熟白米四斗七升共需穀八千五百七十七石一斗九升一合五勺每石例定價腳銀六錢五分該銀五千五百七十五兩一錢七分四釐內除動支扣回米折銀二千四百一十八兩七錢六分八釐外尚不敷銀三千一百五十六兩四錢六釐在於司庫隨年耗羨內動支惟該營等原支本色兵米向係瀘溪等州縣碾供地瘠民貧採買不易若再行加買不特官民交累更恐別滋事端請由辰沅道赴司領價酌赴產穀之區採買碾供但例定價腳實

有不敷必須每石議給價腳銀一兩始敷購辦除例價六錢五分外尙需津貼銀三錢五分共銀三千二兩一分七釐請於司庫應徵十九年地丁內動支銀五萬兩發交漢商承領按月一分行息每年交息銀六千兩按年由湖北鹽道催收移解司庫以三千兩歸還成本三千兩津貼米價等語臣等伏查湖南省各營兵米原係支食長沙等府南糧秋米其相離較遠地方向例改徵折色每石折銀六錢有奇是以通省兵丁支食米折亦概以每石六錢爲定行之百數十年兵民相安已久雖歷任督撫屢以糧價增昂兵食拮据爲詞題添折價改支本色節經臣部議駁在案誠以兵食一議增添則徵之民間勢不能仍循其舊兼之程途寫遠轉運維

艱水陸碾供倍增繁費或因此議及採買則抑勒科派諸弊波及附近州縣兵未受益而農民先受其累從前保靖營兵米改支本色一案屢經臣部議駁道光三年奏蒙

特旨允准原係出自

特恩不得援爲成例今署督等奏稱鎮筵鎮兵米原支本色四箇月零二十三日嗣又奏准收買屯穀借給五箇月口糧尙支折色兩箇月零六日乾州鎮溪河溪三營除原支本色米一百四十六日外概支折色近年糧價增昂兵丁艱於買食請改支本色兩箇月零六日計需米四千三十一石二斗八升每穀一石春熟米四斗七升例定價腳六錢五分不敷採買並請增爲一兩等語查該省各營

兵米向例本折兼支者共有十六處皆係碾供本色米計敷兵食一百四十六日獨鎮算一處續添借支屯穀足供五箇月口糧是以支本色十箇月較之他處實爲倍優若僅食兩箇月折色尙欲藉詞瀆請則他處全支折色及支七箇月折色者又將如何辦理通計該省兵米有十萬餘石支折色者不下四五萬石儻從此紛紛效尤不但經費日增亦恐採買不給且糧價昂貴兵民同之本

地採買則食貴堪虞他處辦運則多添耗費卽如原奏所稱地瘠民貧採買不易官民受累更恐別滋事端其情形已可概見若准其任意購辦四出採買則影射勒索流弊滋多殊於苗疆要地大有關係卽該省穀石價腳例定六錢五分歷久遵循辦理亦未便以兵米爲詞更改成例致啟藉口增添之漸應令該督等轉飭該管各官恪守舊章妥爲辦理不特鎮算各營業已較優無庸再添本色卽乾州等協營亦皆相沿已久未便輕議更張致滋流弊所請改支本色兵米及動支耗羨採買碾供並借款生息增添價腳之處均無庸議所有_臣等遵

旨議奏緣由理合恭摺具

奏

Blank area with vertical lines, likely a table or a section for detailed records.

部議准捐廉酌增鎮軍鎮標暨乾州營本色兵米道光二十一年

戶部謹

奏為遵

旨議奏事內閣鈔出湖廣總督周天爵湖南巡撫裕泰會奏捐廉酌增鎮軍乾州鎮溪河溪等鎮協營本色兵米一摺道光十九年十二月十七日奉

硃批該部議奏欽此欽遵於本月十九日鈔出到部據該督撫原奏內稱鎮軍鎮標兵米向支四箇月零二十三日本色嘉慶九年前任總兵富志那積存廉俸銀一萬兩糴穀借給各兵計敷五箇月口糧尚有兩箇月零六日折色又乾州鎮溪河溪三協營兵米僅支

一百四十六日本色其餘支折色每名日給銀六釐均不敷糊口
前經^臣等奏請酌增兩箇月零六日本色月米旋准部覆以各營
紛紛效尤採買不易未便輕議更張等因查鎮筵乾州鎮溪河溪
各鎮協營均處苗疆萬山之中土瘠糧稀難於買食迥非他營可
比所有酌增兩箇月零六日本色月米共穀價銀五千五百七十
五兩一錢七分四釐內應支米折銀二千四百一十八兩七錢六
分八釐外計不敷銀三千一百五十六兩四錢六釐又津貼運腳
銀三千二兩一分七釐共銀六千一百五十八兩四錢二分三釐
由^臣周天爵每年捐銀三千兩並請於通省撫司道府州按缺公
捐銀四千六百五十兩在應食養廉內扣存無論正署一律全捐

以三千一百五十八兩四錢二分三釐奏作鎮筵等鎮協營兵米
價腳其餘一千四百九十一兩五錢七分七釐供支永明防山長
沙協差費之用所捐銀兩應以道光二十年春季起攤定每年十
月內由辰沅道領赴產穀之區照市價公平採買碾米散放不准
派累仍飭各營毋許妄生覬倖等語^臣等伏查湖南省各營兵米
向例本折兼支者每名支食各縣碾供米一石四斗六升三合足
敷一百四十六日之用其中鎮筵各營又有借給穀石足敷五箇
月口糧其食折色者僅止兩箇月零四日前據該督撫等奏請改
支兩箇月零六日本色兵米並議加添採買價腳經^臣部以經費
日增採買不給且恐有妨民食各營紛紛效尤議駁覆奏在案今

據該督撫奏稱總督捐銀三千兩巡撫以下捐銀四千六百五十兩除增添穀價運腳六千一百五十餘兩外尚有餘銀一千四百九十餘兩兼可津貼永明縣防山長沙協差費之用每年十月間由辰沅道領價採買碾放不准派累地方等語臣等核其情節既係該省自行捐廉辦理似應准其照辦仍令該督撫嚴禁科派勒索諸弊毋許擾累閭閻或至有妨民食至該省採買穀價向例每石五錢連運腳在內共計六錢五分歷久遵循辦理此次係該省捐廉增添應聽該督撫自行妥辦此外各案採買概不准援爲成案藉詞加增以昭限制再查鎮算各營兵米支本色者一百四十六日借倉穀者五箇月其餘支折色者止有兩箇月零四日該督

兩次奏摺俱按兩箇月零六日計算數目亦屬不符應令該督等查明更正以歸核實所有臣等遵

旨議奏緣由理合恭摺具 奏伏乞

皇上聖鑒謹

奏奉

旨依議欽此

Blank page with vertical lines for text.

稟陳兵勇情形並請加練勇馬戰糧缺

道光二十一年

辰沅王簡

敬稟者頃間接奉 鈞函荷蒙 垂詢兵勇情形仰見 大人籌
邊博採至意下懷曷勝欽感查鎮筸為邊隅極苦之區處苗疆萬
山之中人情愚野生性所致是以蠻悍之氣不特兵勇如此而民
情亦然且自苗變以後均田歸公多資糧餉養贍別無生計可圖
以致貧難情形惟兵勇為尤甚迨道光十二年出師江華廣東凱
撤歸來各有應扣行裝銀兩所得糧餉不敷事蓄故艱窘益形因
而十六年有挾借之事然皆為窮所迫及至懲辦之後俱知畏法
歛戢第該兵勇等雖云強悍而懷德之心甚切是在撫教得宜自

可久安長治現在鎮守兵丁已蒙加給兩月本色米石口食有資而道標練勇亦皆滿支月餉毫無應扣之款勇力紓展職道又復隨時調劑並體察情形恩威並濟邇來極稱安靜即如上年因聞大人蒞筭查辦營務該兵勇等甚為畏懼後知 憲恩體恤邀免按臨又極同深感戴嗣奉調赴浙赴粵會剿倭夷該兵勇無不歡忻鼓舞各懷報

國之心沿途恪遵紀律秋毫無犯此兵勇近日之情形也伏查營中差務一切均係官為捐辦雖絲毫不擾於兵而辦理頗非易前職道稟蒙 各憲公捐銀一千二百兩以為接濟之資如能永以為例尚可無事周章惟道中經費例支之外賠款不下數千職

道蒞任以來俱係設法籌辦固無貽誤之虞頗有竭蹶之勢若陳陳相因持久實難為繼其中細情未敢冒昧直陳容俟兵差事竣秋審完畢再當趨詣 鈐轅面領 渠諭再從前出師廣東練勇在局領過行裝銀兩係屬例外長借現今無從著追應由廣東籌豁又練勇請加馬戰糧缺共一百分歲需銀五百五十九兩須由藩庫籌款是否可行謹另具清摺呈 核伏乞 訓示祇遵

一練勇請加馬戰糧缺應由司籌款也查辰沅道標原設備戰練勇一千名內百總十名總旂二十名小旂一百名戰勇一百七十名守勇七百名操馬三十四匹歲需鹽糧草乾照依營制在於均屯歸公及官贖田租項下變價供支第練勇之設原禦苗

之用並無遠征之役迨道光十二年楚粵徭匪滋事先後奉調練勇七百名前往征剿其中陣亡受傷立功者甚多凱撤歸伍至今尙復原糧未得進階緣原設散勇教習僅一百七十分每遇缺出須於散勇七百名內挑補而散勇教習同小旂教習共二百七十名又須專待總旂教習二十名缺出方能考拔以致軍功帶傷各守勇並陣亡子弟難以挑補現據各勇等籲懇詳加馬糧十分戰糧九十分前來職道覆查係屬實在情形惟道中經費早已不敷支銷計加馬戰糧一百分歲需銀不過五百五十九兩爲數不多可否飭司籌款 奏明加增之處伏乞訓示祇遵

一從前出師練勇在粵領過行裝銀兩應咨廣東豁免也查南藩司咨准廣東兩司咨覆查明道光十二年辰沅道標管帶練勇屯守備田宗淮田宏才千總徐一魁在局共領過銀三千六百九十餘兩均係領作行裝之用現有印領存據咨卽按扣解粵歸款等因當經職道札飭北關屯備弁遵照扣追去後茲據屯弁等詳稱遵查道光十二年奉調出師協剿徭匪各勇凱旋以後故絕革退者甚多現在雖有二三尙存然皆苦累不堪是故革者無從著追而現存者亦勢難扣還且據該勇等以粵省所領之項實因原製衣履朽壞蒙連州總局重賞另備鷄鞋土袋爲扒山越嶺進攻之具並非求借行裝銀兩若以賞賚之項

復奉扣繳不特未沾實惠抑且更增苦累等情紛紛稟求轉詳
邀免前來正具詳間適又奉派練勇前赴廣東聽調現在從前
出師練勇多已挑選往粵更屬無從扣追理合詳明轉咨等情
到道職道查屯備田宏才千總徐一魁各帶練勇一百名係楚
省平糶案內奉調官勇凱旋後接調赴粵已在本省照例借過
行裝又田宗淮管帶練勇二百名亦曾於道庫借支行裝銀七
百二十兩是該官勇等於赴粵之先均曾由道發給行裝銀兩
廣東總局原不應復借今粵省鈔冊咨稱田宗淮兩次領過銀
二千二百三十四兩田宏才徐一魁共領過銀一千四百五十
八兩職道覆查冊開借給官兵銀兩均係重重支給且備弁田

宏才田宗淮熊宗福久已陞遷徐一魁王定邦續經病故世職
田宏盛奉補提標千總該弁此次出師粵省在於烏涌打仗陣
亡其劉通純瞿我陞升補守備先後派帶練勇剿捕暎夷無憑
查扣鈔借兵勇銀兩現據紛紛具稟僉云係賞賚之資並非求
借之項雖出一面難以遽信第粵省初不查其本省之曾否支
發乃於例外長借即非賞項亦屬違例濫支且從前出師各勇
凱旋之後故絕革退者甚多現在雖有二三尚存然皆苦累不
堪實屬無從著追此時又因暎夷滋事復奉調派赴粵更難查
扣今粵省既不設法籌辦勢必於各勇名下照扣還款殊不知
原借者多已故革後補者不能代為繳完若遽勒追難免不激

生事端況以濫借而論應照例惟濫支之員是問可否飭司查照轉咨粵省籌辦豁免伏乞 訓示

稟添增練勇馬戰糧缺所需糧餉捐廉支給請 奏明立案

道光二十五年

辰沅道呂恩湛

敬稟者竊查辰沅道標原設備戰練勇一千名內百總十名總旂二十名小旂一百名戰勇一百七十名守勇七百名操馬三十四歲需鹽糧草乾照依營制在於均屯歸公及官贖田租項下變價供支歷經遵辦在案迨道光十二年楚粵徭匪滋事以及暎夷滋事先後奉調七百名前往征剿其中陣亡受傷立功者多凱撤歸伍補復原糧該勇等一時未得進階是以二十一年正月前升道王簡任內請加馬糧十分戰糧九十分其馬戰糧一百分凡遇缺出得以考拔挑補具稟

憲台
撫憲

請賜查核所需糧餉計每歲五百

五十九兩飭司籌議

奏明加增旋奉

憲台督憲

批司咨行該練勇等素稱勇敢自係鼓勵

士心策其上進之志惟所需糧餉向在均屯田租項下供支今欲加增是否可行仰司妥議等因前司咨覆司中並無閒款可籌王道卸事嗣後接護各道未及詳覆仍即捐廉支給職道到任接准移交伏思練勇之設原以鞏衛苗疆並無遠役今既疊次征調立功亡故在所時有而該勇等每遇缺出冀圖巴結以為上進之階王升道既經具稟職道覆查實係因公鼓勵起見未便以經費無出置之不問有拂眾情惟有仰懇 大人俯念邊疆仍如前請准其添設馬戰練勇一百名所需糧餉每年五百五十九兩即由職

道衙門按數捐廉撙節支給以資飽騰而垂久遠如蒙 允准并請

奏明立案感荷

鴻施無既謹以具稟伏乞

訓示

稟練勇馬戰名糧改增八分可否准其增設並懇 奏明立

案 道光二十五年

辰沅道呂恩湛

再稟者辰沅道標練勇前經王陞道因眾丁籲懇於額設一千名之內增設馬勇十名戰勇九十名共一百名所需鹽糧請司籌給業經具稟在案隨又查明將馬戰名糧改增八分王陞道因考驗弓馬嫻熟者甚多是以多增八名亦係鼓勵人材起見但未經稟報歷年雖係捐廉支給究係私增有違定例 職道 既不便裁汰而又不敢含糊合併稟陳 大人俯賜察核可否將王升道改增馬戰勇八名一併准其增設並懇 奏明立案益感 鴻慈於靡極矣

造具花名備具文結請領俱經王前陞道並後各護道按數發給在案至在場左右營馬戰守勇一千名應如何管帶之處另備清摺呈核等情前來本道查均屯經久章程案內

奏准挑畱練勇一千名每名歲支米三石六升內挑充百總十名每名歲給銀十六兩八錢總旗二十名每名歲支銀十三兩二錢小旂一百名每名歲支銀十二兩散勇八百七十名每名歲支銀十兩八錢歲共需米三千六百石合穀七千二百石餉銀一萬一千二十八兩又均屯未盡事宜案內

奏准於散勇內挑出技優者一百七十名並原設百總總小旂一百三十名共三百名以爲教習每名每歲增銀三兩六錢歲共增銀

一千零八兩百總總旂查照營制給以馬匹照例共支草乾等因遵奉在案嗣因道光十二年楚粵徭匪滋事先後奉調練勇七百名前往剿捕其中陣亡受傷立功者甚多凱撤歸伍仍屬原糧毫無上進之階似非鼓舞士卒之道經 前道王稟蒙 前撫憲吳面准於原設練勇一千名內挑出加增馬糧十分戰糧九十分計歲需加給餉銀五百五十九兩旋因考驗弓馬嫻熟者甚多兼之勞績亦著以致多增加補馬糧二分計歲需銀二十五兩二錢戰糧六分計歲需銀二十一兩二錢四分自道光二十一年起至今止歷任各前道均係照案捐給並據北關守備開具管帶操防清摺到道本道覆查摺開左右兩營守備分轄新場堡同全坡屯

千總把總外委額外管帶馬戰守練勇分別每月一六二七三八四九五十等日按期操演立定章程總期一律精熟其改設加增馬糧十分戰糧九十分及續改增補馬糧二分戰糧六分共馬戰一百零八分係仍在一千名練勇之內總計歲需加給餉銀六百零五兩四錢四分應請議詳

奏准毋論正署仍應由道捐給以垂久遠所捐銀兩毋庸造報免繁案牘緣准咨查相應查明照開清摺咨覆爲此合咨 貴司請煩查照施行

縷陳地方情形並議疏濬沱江稟

光緒元年

辰沅道陳寶箴

敬稟者竊

職道

奉

憲台檄署辰沅永靖道事到任已及三月於

地方情形頗悉梗概所有整飭吏民興利除害一切應辦事宜皆因隨時振作無須先事敷陳惟地方安危治亂所關事雖未形實有履霜堅冰之漸而其事爲政治之根本者不得不歷陳於前而求爲補救之計請得爲 憲台一具言之伏查道屬府廳州縣其要重尤在苗疆而苗疆要重之區又以鳳乾永三廳爲最古丈坪廳次之自改設屯防以後建置既殊政治亦異而形勢阻深民苗雜處其利害安危爲一道休戚所關亦卽爲湖南全局所繫溯查屯防創始時傳前升道以經濟之偉才爲久安之遠計規模條理

海內苗防中此卷
三
織悉無遺但能實力率行即可久而不敝嗣因租入減捐別議補
苴軍興以來疊奉節減敷布漸難綽然使支放稍從節縮而經
制防維之大拊循安輯之宜苟不致日就頽壞變易舊章猶無傷
於大計卽如儲備一款動用至數萬金向議由司庫彌補今尙未
能遽行此款原備凶荒有事之用但值承平豐稔卽亦非必須
惟利病之本所關甚重而爲數亦復無多者則莫如各廳津貼公
費一節查向章屯租雖減各廳賴有津貼之款足資辦公得以潔
身自愛而又升階較易但計廉能不論資格其時由廳丞超擢本
道者常不乏人以故爭自濯磨政肅民乂民苗服教日以帖然故
舊章歷久如新遵行無斁近今以來漸違故軌公費不足私累相

仍賢者奉檄不前或到官卽皇皇求去中人以下處茲瘠苦則多
方設法以求取盈於是剋減以省其出苛派以增其入聽爭訟則
計賄爲是非舉苗弁則重資爲賢否卽如擇苗弁一事向章按里
遞設苗弁各有稽查之責差役禁入苗地苗民犯法則責苗弁送
廳究問故必以本里之人舉充資其諳習今則聽他里之人營充
賄奪相距數十百里所轄苗寨但索陋規事皆莫辦其營充之費
昔常千餘緡今苗貧力難亦有數百緡者得缺後皆以斂之苗民
而每年所入又或稱是於是句結丁役假作威福廳丞自愛者尙
不過爲假借不肖之徒遂輒以爲爪牙資其挹注威柄下移而苗
民寔不堪命矣內地官紳優劣有緡紳可資詢訪有行旅可備見

聞有民間上控之詞可爲考核故吏懷忌憚不敢自恣苗疆僻處
巖邊民愚士陋間有上控極於巡道而止拙者民苗一律苛政猶
或上聞巧者虐苗貫民苟免眉睫之災卽身名俱泰巡道又或憫
其官況蕭條不爲刻責故內地之苛政猶易革除而苗疆之積弊
眞無可控訴日復一日踵事而增傳曰作法於涼其弊猶貪作法
於貪弊將若之何以前人立法之善其弊猶至於此今苟聽其相
背而馳不早爲之挽救其不致至於黔苗之已事者幾希矣竊謂
安邊必以懲貪爲本而懲貪必以養廉爲急守法必以得人爲本
而得人又以善任爲要今欲懲貪養廉得人而善任之俾守法而
安邊其要約有三端一曰復津貼溯查道光二十七年詳奉 奏

定章程每年津貼鳳凰廳銀一千兩永綏廳銀五百兩乾州廳銀
一千五百兩古丈坪廳銀五百兩皆於通省養廉內派捐咸豐九
年以後屢有減折復於同治八年核定因鳳凰廳另有發審公費
仍照減定成數歲給銀三百六十兩此外視前稍增乾州廳歲給
銀七百兩永綏廳二百四十兩古丈坪廳三百六十兩較原額僅
幾得半向章收發兵米稍有贏餘自同治九年改章以後有絀無
贏所增津貼與未給同而永綏尤爲遜前今擬仰請 憲恩准將
鳳凰乾州古丈坪各廳津貼仍照道光二十七年奏定原額給發
永綏廳前因兵米稍有贏餘故原額較少今兵米更章擬請於照
復原額外歲再增給銀三百兩此外各廳原有別項公費已經減

湖南苗防中政考
發者均請查照原額給發至保靖縣亦屬苗疆應否酌給津貼及
此項經費向由通省養廉內派出似難久行可否請於洋藥釐金
加提項下酌撥期於久而不廢均候 憲裁一日資久任近章州
縣署事率以一年解任在苗疆繁難之區風土人情且難諳悉豈
能望其報最況政教以漸而施求治不能太急今擬仰請 憲恩
飭司詳定所有苗疆各廳丞必一一嚴加遴選在任請以三年爲
限勿遽更易生手致視官如傳舍庶幾久於其任知明處當民苗
服習政教賢者可以移風易俗中材亦得以循分盡職而無因循
廢弛之患矣一日議調劑州縣錢糧雜款類有羨餘許畱爲辦公
經費苗疆則養廉而外別無所施此後即蒙准復津貼原額祇可

勉資公用而事畜之資仍難仰給勢必藉資稱貸在任既不能償
去任何堪設想在居官潔己固爲分所宜然忠信重祿所以勸
士不能體其不得已之情安能責以有不爲之節且中人大抵有
所爲而爲善善不蒙賞而又不免於累蔑以勸矣定例六年俸滿
而苗疆則五年即予推升明示體恤邊吏至意今擬仰請 憲恩
於各廳丞無論實缺署事但能奉公廉潔克盡職守三年內始終
如一者准該管巡道出結具詳即酌委優缺如首縣之例其三年
內貪昏不職者隨時撤參不在久任調劑之列該管道含糊狗隱
不據實稟揭者坐之仍令年終將各廳操守政蹟詳晰縷陳以憑
考核彌縫粉飾之習既無所施則官常自謹而不肖者不能倖邀

逾格之恩自好者尚有後此酬庸之望吏治蒸蒸日上矣凡此數端實爲吏治之本而職道之力所不得爲者竊謂天下安危治亂之機胥視乎吏治之得失而苗疆尤爲特甚職道前年奉委赴黔安插降苗審其致亂之由每爲痛恨當其初改土歸流立法亦非不善旣而奉行不力逐漸更張遂至蕩壞無餘以漏規爲萬世不易之制因之踵事頻增有加無已卽如採買兵米由徒輸遞至折錢折銀至每石三十餘金苗民掘祖墓取殉葬之金以償官數十年中無一人力挽頽波爲之稍從寬減遂至愈趨愈壞一決而不可禦然後草薶而禽獮之亦可哀已然其流弊至於此極者非一朝一夕之故故職道抵任後於所屬各廳每諄諄以作俑爲戒而

念其景況之艱假貸之窘又惻然無以處之因念王道必本人情所藏乎身不恕未有能喻諸人者恭遇 憲台整綱飭紀曲盡人情凡所施設皆爲地方久遠之謀是用覩縷瀝陳不敢以暫時權篆緘默不言有負 憲台孳孳求治之意伏冀 俯鑒區區曲加訓示如蒙 採擇施行并乞飭司核議詳定章程以垂久遠不易之則苗疆爲通省重地近因能吏以爲畏途遂若視之甚輕得 憲台挈而重之俾吏廉則生威政平則成化苗疆永無反側則受福者不止一隅矣至於裕閭閻生計之源嚴苗民交涉之限申盤剝侵佔之禁懲奸民蠹役之害除弊卽以興利率屬必本潔身與夫規勉屬吏獎抑兼施苟非怙過不悛義必勉爲誘抑不遽仰瀆

海甯直隸州志 卷之三
憲聰如卒無可挽回亦不敢徇情隱飾自同寒蟬所以仰副
憲台委任裁成之至意者如是而已

敬再稟者苗疆惟鳳凰廳爲鎮道駐紮軍民萃處生息日蕃而山
多田少半賴他境兵米屯租藉資民食荒歉之年告糴無所自儲
備銀穀動用靡遺益無所恃廳境不憂水潦而虞旱災旱荒之歲
河流益涸平時小舟可抵距城二十五里之石羊哨稍涸祇達距
城六十餘里之地各縣兵米轉運綦難因多折解商販罕至採買
亦艱平日旣乏蓋藏臨時復難補救誠有不能無慮者職道到任
後接見本籍弁紳訪以形勢水利諸事伏查廳境沱江之水較石
羊背更爲暢闊雖大旱未嘗甚涸其水繞廳城北紆折而東匯乾

州合溪之水直達瀘溪視出石羊哨溪河以抵辰谿尤爲徑捷惟
東流去城六十餘里至老河口中互巨石六七丈舟楫不通前湖
南巡撫陳文恭公巡閱至廳令前道紀虛中緣流疏鑿未半而公
去任工遂輟傅前道循屢欲踵行以軍興不果事詳廳志今文恭
時所濬遺跡尙存若踵而疏濬之至老河口上流或別穿渠數里
許引水注渠避互石旁出以達下游其事較鑿石爲易數月可蒞
此下但須略爲疏濬辰河舟楫可以直達廳城舟運旣通縱遇荒
年採買易集各縣兵米便解本色平時可裕積儲歉歲易招商販
卽儲備銀谷尙未彌還倉卒時可以就近挪款通融運濟不至束
手坐困而平時商賈來集閭閻生計亦必稍紓誠爲百世之利職

道現飭地方正紳沿流踏看有無防損民間廬墓俟繪圖呈閱後擬卽躬往勘估工程如費在四五千金以內職道卽一面於新秋時自行捐廉興修不足則量於本廳縉紳現在帶勇仕宦者馳函勸捐共成此舉當無不欣躍從事若爲數在四五千金以外則地方既無可籌款職道亦力有不逮惟有俟之異日而已

前案院批

湖南巡撫王文韶

閱稟於苗疆利病政治源流言之歷歷而推其本於吏治之得失可謂探驪得珠矣所陳復津貼資久任議調劑三條又爲整飭吏治之本應如何酌籌款項安定章程之處仰布政司通盤籌畫悉心議擬詳候核奏至苗弁有管轄稽察之責應在本里舉充庶幾彼此安習若如所稟近來每多他里之人營充賄奪相距數十百里但索漏規事皆莫辦尤爲積習之甚者應卽責成該道重申禁令實力革除以蘇苗困另單所擬疏濬沱江一節便商便民誠爲地方百世之利俟查勘確實後卽繪圖貼說資院核奪如就地籌款不敷工用仍當由本部院督同藩司量爲籌濟以贊其成苗

湖南苗匪可也
疆生計艱難民苗交困固無日不出本部院念慮中而亟思所以
補救之也另單抄發由司錄批先移該道知照仍候 督部堂批
示繳

稟擬將芷黔兩縣餘存軍穀變價撥存鎮城及各屯倉并將

存放息銀畱存道庫

光緒八年

辰沅道裴蔭森

敬稟者竊道屬地處苗疆營屯兵練歲需糧餉甚多初設均屯時
曾買穀二萬石分別存儲以備緩急不時之需軍興以來先後動
用未經歸款同治十二年 前陞憲王巡閱苗疆見各處倉庫皆
空非控制苗人久長之計擬俟援防事竣庫款稍可騰挪即行籌
備以實邊儲當經附片奏明在案尙未舉行 職道 到任後親赴各
廳縣查看大抵山多於土民少於兵歲食常虞不給倉卒有事遠
近請貸皆難自應急於籌備以計久安此次因公晉省曾與龐藩
司再四熟議查道屬芷江縣舊有買運席營軍米穀八千五百六

十九石八斗四升五合黔陽縣亦有前項穀七千八百一十石席
軍凱旋此穀存倉未動職道曾至兩縣驗視其穀漸已霉蛀若再
閱數年卽成無用因念上湖地方去歲秋收稍薄今正米價驟增
三月以後誠恐不免偏災儻將該二縣存穀酌看情形略爲減價
糶買秋後收買歸入鎮城及各處屯倉以補舊日備邊之缺挹彼
注此兵民無庚癸之呼化舊爲新倉廩有存儲之實似於邊事不
爲無補又查釐金局節省項下有銀一萬兩發交鎮草典商生息
歲繳息銀一千二百兩亦擬畱存道庫彌補額儲經費以備倉卒
之需庶兵食足而威惠可行守禦強而民苗自靖邊徼兵氓永荷
安全之賜矣日前晉謁曾經約略面陳仰蒙 憲諭周詳併籌及

陳穀之耗虧沿途之運腳精心密慮欽佩難名茲復將擬辦情形
詳悉具稟伏乞 訓示遵行

王 巡閱鎮守見儲備空虛非綏邊久計曾經

奏明俟援防軍需清理就緒款項稍可騰挪即當設法籌備將銀穀各還其舊以實邊儲欽奉

俞允在案復查芷江縣黔陽縣舊存軍米穀石原係善後局發款委員就近採買供援黔營勇口食之用光緒六年裁撤委員改歸各該縣經管現在黔營凱撤此穀日久存儲本有陳腐之虞若以撥歸鎮城係屬以公濟公核與 王陞憲籌備邊儲原 奏亦屬相符擬請飭令各該縣將所存軍米穀石按照市價儘數糶出即以穀價解歸辰沅道由道查看情形隨時另買穀石以實儲備至釐金局節省項下發典生息銀一千二百兩亦請 俯如所請畱存道庫

彌補額儲經費仍俟將銀穀兩項彌補足額由司詳請

奏明立案以昭慎重所有核議緣由除移覆該道并分飭芷江黔陽兩縣遵辦外具文詳覆 憲台俯賜查核

貳百兩該質於十年五月倒閉十年及十一年息銀均歸無著現
在本銀業經如數提還原應解繳釐局歸款惟查苗疆重地控制
邊陲籌餉練兵均關緊要遇有徵調無論鎮道兩標之兵俱須由
道籌辦行糧每值無款可籌倉卒不能應付若待赴省請領則緩
不濟急又恐貽誤事機同治十二年 王前升憲巡閱鎮筵見倉
庫皆空非緩邊久計曾經 奏明俟援防軍需清理就緒款項稍
可騰挪卽當設法籌補將銀穀各還其舊以實邊儲欽奉

俞允

在案所以此項銀兩原係由釐局節省項下提出擬請收存道庫
倘有殷實紳商開設典當仍卽發交生息以期彌補舊儲經費用
備倉卒之需如非十分要事不准絲毫動用遇有交卸銀穀均移

交後任盤收結報鎮城有此銀穀兩款庶兵食足而缺乏無虞庫
藏充而緩急可恃邊徼官兵永荷無疆之福矣是否有當理合稟
乞 查核示遵

湖南首陽正考
緒七年三月及十一月內遵奉 兩院憲批示於存局節省項下酌發省平銀壹萬兩由辰州洪江兩局撥交鎮算鎮道核收發典生息詳明在案十年五月該質倒閉本局以此項節省銀兩係奏咨候撥之款未便虛懸先後咨請就近委員守提解省現在已據全數追還擬留道庫以備緩急自應遵照 憲台 撫憲 批示辦理擬請將鎮算鎮道收回義成質當本銀壹萬兩留存道庫發放生息以實邊儲而清撥款所有遵批會核緣由理合詳請 批示

前案局咨院批

光緒十二年

釐金局 候補道 但湘良

案奉 撫憲卞批本局詳覆辰沅道稟將追回本局節省項下發給算城質當生息本銀壹萬兩留存道庫一案奉批據詳已悉此項銀兩發交何處生息應令辰沅道具報查核仰即轉移遵照仍候督部堂批示又奉 督憲裕批同前由奉批如詳辦理仍候撫部院批示各等因奉此相應咨會

也得乎况地處苗疆地方官如不理公事或假公藉私則苗官皆
得以大張其羽翼剝削羣苗以自肥苗民漸習世情非若當日之
愚而易欺不幸而僨事遂致激爲禍端故苗官亦視地方官之操
縱以爲斂肆可見吏治不可不講邊疆吏治尤不可不亟講也惟
地方官賢否不齊豈能盡知振作整頓表率之責厥在監司職道
前於光緒五年奉委署理斯篆深知地方積弊準理度勢知課吏
決不容緩曾將應興應革事宜酌擬數條通飭各屬實力照行持
之兩載民情尙屬相合此番奉檄重來知宜於咎者未必不宜於
今故循前次舊章畱心吏治履任以來於所屬有司訪諸輿論課
以事功其勤政事勵操守者固不乏人而耽安逸多嗜欲者亦所

不免始則加以董勸繼則予以申儆務使各知以地方爲己任視
百姓如身家官不病民卽有藐法苗官亦知所畏憚而不敢復逞
其惡庶百姓安而邊地安矣至於山林深密易藏姦慝則當嚴保
甲以清之風氣强悍易滋命案則當明刑罰以懲之不知吏治果
清則匪徒自斂訟案自稀徒恃保甲以防姦何日行保甲而盜竊
者尙不能免耶徒恃刑罰以治惡何日事敲朴而犯法者且踵相
接耶知吏治不清保甲轉致擾民刑罰亦成苛政此職道所謂必
以吏治爲安民之本也此外更有應辦事宜練勇則勤爲操演時
復親臨校閱屯務則妥爲經理必期盡除積弊以及獎勵人材於
書院則月有加課詳閱案牘遇提審則慮有含冤此皆職道分所

當爲力所應盡惟以輕材而暫膺庖代未敢自信其終能亦惟就
管見所及勉力圖維不敢操切亦不敢因循在官一日卽盡一日
之心得尺得寸於吏治或不無小補卽於民生或不無裨益以期
仰副 委任之意於萬一

附錄

禁止苗官苗民住城內札

光緒十五年

辰沅道但湘良

照得鳳乾永古保五廳縣地屬苗疆自勘定以來各苗民涵濡
教澤潛能轉移故俗更易苗風然其積年陋習之深間有未能盡革
者全賴各苗官隨時教導提撕而匡直之查定章苗官不准無故
入城民差不得擅入苗寨原所以防微杜漸也茲訪聞近年以來
各苗備弁等往往盤踞城中包攬詞訟而苗人亦常有在城開設
伙鋪窩藏匪人以致控案繁多盜賊蠶起實爲良民之害合行札
飭札到該縣遵照嗣後各苗官不准在城久住如有苗民在城開
店立即封閉驅逐回寨民差亦不得擅入苗寨滋擾如違嚴行查

究毋稍徇縱

光緒十五年
禁北首官苗吳卦城內林
光緒十五年

附錄
稟添設舢板梭巡北河一帶

光緒十五年

辰沅道但湘良

據辰州府文守稟稱竊照府屬沅陵縣境有支河一道上通永順
下達郡城自沅永兩邑交界之岔象灘至北河口止計程百里之
遙水驛荒涼居民鮮少郡城既相距寫遠保甲亦難於徧聯會匪
棍徒往往結黨成羣肆行無忌不僅商船重載每多暴客之虞即
傷岸蚩氓亦時被游民之擾從前設有礮船二號往來梭巡搶劫
無聞地方甚稱安靖嗣後改歸長勝水師管帶因辰至常地段絲
互舢板不敷分布將前項船隻移紮大河遂至百里空虛時有棍
徒之警迭據該處紳士稟請移撥師船前往駐紮惟查長勝水師

湖廣通志卷之四十五
職道
便等情
查北河自沅陵上經永順王村旁及永綏保靖爲四
川秀山湖北來鳳諸水匯入之河水驛荒僻匪徒出沒無常不惟
來往商船時虞搶劫卽沿河兩岸居民亦常有游痞滋擾自非礮
船常川巡緝不足以安商旅而靜閭閻該府請添設舢板二號專
駐北河係爲該處緊要起見然北河地方永順所屬較長於沅陵
若僅巡至岔象交界之處則永順所屬仍難周密且恐管帶無人
難於約束現在辰沅一帶旣歸長勝水師經理巡查所有北河王

村等處地方擬請 憲台檄派該水師一併派船駐緝庶事權專
一而聲勢聯絡匪徒必聞風斂戢商民得以全安矣惟查長勝水
師僅長龍一號舢板三十二號自常德至辰沅以及靖之洪江縣
互七八百里已屬不敷分布今又加以北河地面誠恐勢更難敷
可否准其添設舢板二號以資分撥之處伏候 大人裁酌施行
所有辰守稟北河一帶地方荒僻擬請由長勝軍派船一體巡緝
以安商民各緣由理合稟陳伏乞 督核示遵

附錄 豁免苗稅詳 光緒十五年

辰沅道但湘良

熙朝化育於各廳縣設立土備千把等官所以撫循苗民而安輯之意良厚也無如各苗官賢否不齊其貪婪成性者往往藉稅契而磕詐愚苗到處搜羅無微不至或危言恐以漏稅而勒令重罰或憑空誣以匿稅而妄肆誅求愚苗何辜豈堪受此賸削以致積怨成訟忿不能平職道莅任以來據鳳乾兩廳苗人控告苗官藉稅磕索之案不一而足業將該土備分別革降嚴懲在案伏查各廳縣每年征解稅契銀兩為數極微徒為苗官書差飽填慾壑於稅務

並無裨益而苗民受無窮之苦似非所以示體卹而廣

皇仁因思苗寨田土並不征收錢糧而苗田互相買賣亦應寬免稅契

職道

再四籌維擬請嗣後於苗疆地方置買田產民田仍應照例稅契不得違抗亦不許好事搜求其苗田契據除從前已稅不計外以後如苗人互買苗人之業無論契價多寡年月遠近概免投稅若有情願以契請印存案之件聽從其便仍不准擅收稅銀儻苗官敢於需索許受害之家赴道稟控嚴究如此辦理庶苗官不敢藉稅契以圖詐苗民亦可安分守業不致因磕索紛紛上控矣

職道

爲恤苗除害起見是否有當伏乞 督核施行

前案司咨

光緒十五年

署布政使崔穆之

爲錄批移會事案奉 撫憲王批據 貴道詳鳳乾永古保五廳

縣苗寨田地互相買賣其契據擬請寬免投稅以示體卹一案奉批據詳係爲體卹苗情起見應准照議辦理仰布政司轉移遵照出示曉諭並嚴禁苗官藉契磕詐有犯必懲以除積弊切切此繳等因奉此合就移會爲此合移 貴道煩爲查照施行須至咨者

附錄
 札飭各屬興文教辦保甲
 光緒十五年
 辰沅道但湘良

附錄

札飭各屬興文教辦保甲

光緒十五年

辰沅道但湘良

照得文教不興則學校宜培盜賊勢張則法紀宜肅也查道屬各
 廳縣近年文風不振科第寥寥求其致病之源在乎乏資者有二
 一曰取益之無資一曰俯仰之無資取益則半歸典籍半屬師承
 此間地方偏僻書賈難前鄉間所誦習者僅僅有是父傳之子師
 傳之弟大概可知加以土地瘠薄寒峻居多奮勵有心室人交謫
 苟非豪傑不世出之英鮮不摧而中敗於此而不思設法培植文
 教何由振興本道蒞任後業將屯防舊設六書院捐置書籍認真
 整頓按月課卷親自校閱分別取列給獎並於辰永沅三府郡城

各書院每月緘題加課一次捐廉優獎現復將鳳凰廳之尊經書院增課額八名釐定章程捐置書籍更推廣於各廳縣屯防書院各加課額四名增給膏火俾得專習經學第恐加惠難周必須各州縣均將書院事宜一律振興舉辦庶幾作育宏而造就者眾出固有裨於

國處亦足式於鄉矣至若盜賊竊發無處無之惟辰沅一帶爲尤甚雖曰山多而民氣悍田少而游手繁究亦由於有案未必盡報卽報未必盡辦法不足以懲奸轉使輕於嘗試而張之燄本道訪聞各屬間有以盜而改竊者或有以數十人同劫而改爲數人者更或以本強劫而改爲有因者在良懦被劫資財蕩盡控案捕盜爲費

不易捕之不獲盜將凶與爲仇捕而幸獲獲未深究更慮隱釘其憾囊則已空而禍尙未息反不如隱忍之爲愈是被盜者已未必盡報案也果報矣而地方官又多方諱飾但冀消彌何怪乎匪徒肆無忌憚搶劫頻聞揆其消彌諱飾之故亦有二一則恐巨案之易冤一則防處分之難免孰知舉無足慮蓋盜賊行劫豈能飛來遠則有寄頓之窩近則有引串之腳當其平日認真清查保甲伺察另戶一旦有犯簽役捕拏則盜皆眞盜而贓不散冤於何有處分又於何有總之今日之盜賊未必盡皆報案報亦未必盡皆獲賊此盜賊之所以日多也但期報無不破之案獲無倖免之盜庶幾法紀肅而賊膽寒盜風或可稍息以上二端本道悉心體察均

爲目前拔本塞源要圖合併通飭札到該州府即便轉飭各屬遵照
迅將舊有書院公項認真清釐訪延品學優粹者住院主講選擇
生童中之穎秀者住齋肄業優給膏火並按月考課加獎以示鼓
勵如向無書院公款亦即趕緊妥籌經費建設並將本道前署臬
司任內通飭保甲章程八條實力清查嚴核另戶遇有呈報搶劫
案件立即會營勘明緝拏賊盜照例嚴辦毋得畏難含糊了事致
滋輕縱而長盜風是爲至要仍一面將奉札遵辦緣由稟覆核奪
毋稍違延

附錄 稟援案捐添馬糧 光緒十五年

辰沅道但湘良

竊照辰沅道標原設備戰練勇一千名內百總十名總旗二十名
小旗一百名戰勇一百七十名操馬三十匹歲需鹽糧草乾在於
均屯田租項下變價供支嗣於道光二十一年王前升道簡任內
改添馬糧十分戰糧九十分續又加增馬糧二分戰糧六分共一
百八分即在一千名練勇之內挑選戰守勇考拔祇增糧缺不增
名數歲需餉乾銀六百零五兩四錢四分由道自行捐給並不造
報歷經辦理在案自是而後各勇愈加奮勵差操益力技藝益精
道咸年間奉派出師粵西長沙及下游各省無不奮勇當先鎮守

兵勇之名遐邇皆知逆匪每望風而靡咸豐壬子秋髮逆圍攻長沙用地道轟塌南城數十丈賊旗已蜂湧而登賴鄧紹良督率練勇戰退力保危城此尤戰功之卓著至今人猶稱頌者也惟是轉戰十餘年立功陣亡病故者不少凱撤後其子弟仍各倚糧爲家散勇口糧甚微不足以資事蓄每冀升拔總旗百總所獲較優而百總總旗必須循序漸進往往有終身戰守莫得進階緣戰勇缺出須於守勇內挑補戰糧及小旗又須專待總旗出缺方能考拔以故戰守各勇雖不乏技精藝熟之人每憾挑拔維艱也職道到任後適值出馬糧二缺隨調齊兩營戰守勇親詣教場按名考拔其以十力弓馬步全中者不下數十人小旗戰守遞相拔補僅能

各拔二名餘俱被黜雖可記名待拔無如出缺難期徒有考拔之名而無考拔之實殊不足以示鼓勵而昭激勸職道再四思維擬援照王前升道成案再加增馬糧八分卽以此次小旗戰勇中箭多者拔補所遺小旗戰勇卽以戰守中箭多者遞拔現需購買操馬八匹共銀一百餘兩職道捐廉發給每分歲需草乾銀十二兩六錢共銀一百兩八錢應請仍照前案無論正署由道捐給以垂久遠所捐銀兩毋庸造報免煩案牘以後遇有馬糧缺出並於一千名練勇內挑選考補增糧而不增額不過多此馬糧八分使各勇知升拔較前稍易人人思奮練習益勤可以悉成勁旅職道爲鼓勵人才整頓營務起見是否有當理合稟請 憲台俯賜察核

批示祇遵

海月百陽正
批
示
祇
遵
...

附錄 前案夾單 光緒十五年

辰沅道但湘良

竊念鎮筸僻處苗疆著名瘠苦自嘉慶初勘定後道標設練勇一千名鎮標設兵丁四千名固為邊徼備捍禦之資亦為閭閻謀衣食之計在窮民別無生業專恃糧以養家一經得糧遂覺終身有靠然守糧每月銀九錢米三斗僅敷一二人之食家口稍多必身兼別藝以濟其不足而又時有操演不能常營他務所可望者惟以守升戰糧戰升馬糧藉為上進之階道標原設百總總旗三十名操馬三十匹小旗戰勇二百七十名嗣於道光二十一年王前道任內加增馬糧十二分戰糧九十六分合共馬糧四十二分戰糧三百六十六分非不多也而馬糧出缺難期升補不易在各勇

湖南地方志

補編

辰

原不敢再有所希冀特以鎮標四千名共有操馬二百匹每兵一千有馬五十匹以此例彼不免猶有缺望職道前權斯篆曾稟奉前督憲李 批准挑練選鋒遂以之肅清董倒賊巢此次奉檄重來仍復按期校閱並於考拔糧缺見其技藝精熟者實不乏人無以示鼓勵而昭激勸爰援案擬增馬糧八分適合五十匹之數與營制相符以後可以承為定額矣至所需馬價銀百餘兩由職道捐廉發給每月需捐加馬乾銀兩亦從職道任內起支非徒為鼓勵人才於窮民生計似亦不無裨益雖於已微有所損不計也易曰損上益下民說無疆想各後任同具此心必不稍存吝惜職道渥叨 委任自當仰體 憲意無日不以利民為心籌邊為念並

非欲見好於兵妄事更張區區愚忱諒蒙 鑒察

前案司咨

光緒十五年

署布政使崔穆之

為錄批移會事案奉 撫部院王 批 貴道稟道標練勇千名
 技藝精熟者甚多擬援案添設馬糧八分即於戰守勇內挑選拔
 補以示鼓勵歲需餉乾銀兩仍照前案由道捐給仰懇察核緣由
 奉批據稟已悉所擬添設馬糧八分歲需草乾銀兩仍照前案由
 道捐給係為鼓勵人材起見於營伍洵有裨益應准照行仰布政
 司轉移遵照仍候 督部堂批示繳又奉 督部堂裕 批據稟
 及另單均悉所請援照王前道成案加增道標馬糧八分即由該
 署道捐廉購買操馬八匹其有歲需草乾銀兩亦請仍照前案無
 論正署由道捐給以垂久遠自為鼓勵人材整頓營務起見應即

照准仰南布政司轉移遵照仍候 撫部院批示繳為此合移
貴道請煩查照施行

光緒十五年
辰沅道但湘良

附錄 示諭禁收斛面 光緒十五年 辰沅道但湘良

照得鳳永乾古保及瀘麻七廳縣民佃戶承佃屯防田土每年
完納公租一經到倉例應即刻收受聽令佃戶親自行概平斛量
收乃近年以來風聞各倉征收租籽并不遵例行概輒敢踢斛淋
尖甚且以升代斛多收斛面肥已否則難畱刁蹬或推有事或稱
天晚令其露宿守候不思該佃民等終歲勤苦除完公租外所餘
無幾度日尚且為艱多收升合即少升合之食用多候一時即荒
一時之工作蚩蚩愚民何堪受此重累亟應出示嚴禁以紓佃力
為此示仰各倉屯長知悉嗣後征收租籽務須隨到隨收遵例行
概不得淋尖踢斛額外浮收亦不得故意刁難令其久候儻有前

轉以殃民豈

朝廷之本意需款甚鉅而苗民之財力幾何不惟重害民生抑且有傷大體擬請嗣後無論何項捐輸概不准入苗寨勸辦以存政體而恤窮苗如蒙 鑒允伏乞 札飭藩司知照嗣後遇有捐務凡有苗寨地方廳縣毋庸札飭勸辦庶苗困全甦較之免稅而益沾膏澤職道為恤苗綏邊起見是否有當伏乞 訓示以便祇遵

前案司咨

光緒十五年

署布政使崔穆之

為錄批移會事案奉 撫憲王 批 貴道稟嗣後無論何項捐輸不得於有苗寨地方勸辦緣由奉批據稟請嗣後無論何項捐輸概不准入有苗寨地方勸辦所見極是仰布政司查照立案并通飭凡有苗寨各地方一體遵照永為定章仍移該道知照此繳等因奉此相應移會 貴道請煩查照施行

無妨礙苗寨中收穫向遲穀多霉壞喫虧頗重現就訪諸紳民傳述情形核與各廳縣所報分數幾至僅及一半以豐年而忽變爲歉歲實出不料所幸苗鄉雜糧番薯收成尙好目下糧價尙平苗情亦屬安謐惟查均屯田土苗寨爲多前經諭飭各屯備弁照章開倉徵收去後茲據各該屯備及屯長等先後稟稱各苗佃呈繳之穀多因收穫之時無日曬晾或被霉壞或係焙乾穀色麻麻未敢收納請示前來

職道

覆查所稟均屬實情雖徵收租籽關係屯

防經費而以瘠壤逢此歉歲自當順天時而恤民生不忍過事苛求除批飭設法選擇徵收遇有穀色稍霉而碾開米色尙好者亦卽通融量收其有被災較重者亦經委查屬實分別核減收納以恤佃艱外理合將苗疆各廳縣地方因秋雨過多收成歉薄情形并飭屯備酌量收納租籽緣由稟請 大人俯賜察核

Blank page with vertical lines for text.

附錄

稟援案薦舉已保升階之屯守備千總

光緒十五年

辰沅道但湘良

竊照志壯干城必資激勸材儲組練端賴濯磨經武皆然而邊要尤宜講求也伏查湖南苗疆勘定以來經前傳升道均田建屯設立六屯守備千把外額五十六員分地駐紮管帶練勇屯丁催租馭苗為長治久安之計遇有屯備弁缺出專就應升之屯弁勇內挑選詳拔誠以屯務煩重非熟悉情形者難資得力惟道標屯官僅至守備而止故特定章程遇有人材出眾之員准與營員一例保薦升遷 奏准遵行在案查承綏花園屯守備陳開甲於咸豐四年十月升補提標後營都司鳳凰廳北關左營守備田宗蕃於咸

豐九年五月由本任歷保副將升補靖州協副將各在案 職道前

於光緒五年曾權斯篆時傳各備弁親校弓馬考核訓練催租之

勤惰信賞必罰稟奉 前督憲李 批准於練勇中挑選三百名

隨時操演按月捐加獎賞次年黔苗滋事蔓及鳳凰廳屬之董倒

地方邊境戒嚴 職道 親率備弁帶所練勇丁三百名會營往勦剋

日而平足見鼓舞人材具有成效此次重來一切皆照前度舊章

辦理勇丁有應推補者因馬糧額少捐增八名並捐給操馬稟奉

前督憲 裕 批准立案作為定額以期久遠是勇丁之勤者且有

以資鼓勵而於員弁之能者亦應示以褒獎 職道 詳加旌別除保

靖縣印山台屯外委姚正宗聲名甚劣且被屯丁控告詐索當即

撤任訊明詳革外其餘各備弁皆能恪遵戒飭各勤職守守備千

把之中實有曾保遊擊都司升階堪膺薦擢之員若不循照定章

稟請升補何以昭獎勸而出滯淹且千把以下雖有賢員亦無出

路似非昔日立定章程之本意 職道 既有所知不敢壅於上聞查

有儘先前補用遊擊候補都司北關左營屯守備劉元發儘先補

用都司北關右營屯守備王庭顯儘先補用都司得勝營屯守備

劉玉慶遊擊銜補用都司新場堡屯千總蘇朝選無論營屯遇缺

題補守備花園屯千總徐景元或弓馬嫻習或訓練精良或催租

勤慎皆歷俸年久資格已深且各保有升階謹另開清摺並出具

切實考語擬懇 憲恩俯准將該守備千總等存記俟綠營有相

當都司守備缺出援照陳開甲田宗蕃成案 量予升補俾該員
 等益圖報効各盡所長而各屯弁勇有所觀感人人皆以上進自
 期其相奮勉所以勵人材即所以維屯政而固邊圉 職道 愚昧之
 見是否有當不揣冒昧援案稟請大人俯賜察核批示祇遵

附錄

釐定鳳凰廳尊經書院章程稟

光緒十五年

大人 鈞鑒 示 立案

辰沅道但湘良

竊照鳳乾永保瀘麻六廳縣地方經前傅升道於會籌苗疆均屯
 未盡事宜案內詳奉 奏准各設書院一所慎選師儒訓迪考取
 民苗生童住院肄業以資造就束脩膏火均在官贖田內撥發支
 給歷經遵辦在案迄今數十年文風丕變迥異昔時登甲榜而捷
 禮闈者已不乏人惟是風氣雖覺漸開而地處偏隅見聞不廣書
 籍鮮少考證無由於經古之學究多未能講求有志窮經者每以
 為憾光緒十年內鳳凰廳諸生等曾經稟請仿照省城詒經精舍
 之例添設尊經書院事屬創始膏火無資規模亦多未備殊屬有

名無實職道 涖任後查悉情形當卽捐廉購置各種經籍發交監院存儲院內以便各生緝閱講習並釐定住院考課章程鳳凰廳課額八名乾州永綏保靖瀘溪麻陽各四名每名膏火穀二十石延聘山長束脩錢三百串自本年爲始在於屯防經費項下籌發每月官課一次仍由道捐廉加獎以示鼓勵俾咸知感發奮興精心研習庶將來或有經明行脩發名成業者開邊疆未有之盛以仰副 憲台振興文教作育人材之至意所有釐定新設尊經書院章程捐置書籍並於屯防項下籌備束脩膏火緣由理合稟請大人俯賜核示立案

章程六條

一書院以尊經爲名所以重經學也上無提倡經學之人下無講求經學之士空立名目亦復何益然士卽有志窮經必須得通經之明師以爲之導今擬自本年起延訪高明聘爲山長與敬修書院共請一人每年館穀錢四百串尊經三百串敬修一百串仍照舊例於隔年十月預定下關聘敬錢六串其新由他處聘來者酌送川資錢十六串均在屯防項下支用兩書院共請山長一人者蓋館穀較豐聘請亦易而諸生中之孰優孰劣經學與文藝亦可參觀互證較之兩相隔膜似爲有益

一造就有序不可躐等肄業生不在多祇擇諸生中之優者取

入擬定額爲八名每年就敬修甄別考取正副課各生由山長再加面試核實選擇由提調監院稟請本道照數錄取每年於正副課膏火外每名加給膏火穀二十石必須住齋肄業以期專勤其有奮勉圖功能徵進境者次年仍許畱院俾得造詣有成由山長通知監院稟請核准

一每年自二月起至十一月止本道按月一課敬修定期初三日照舊課文尊經定期十三日量藝數多少限期交卷所試各藝經文經解而外有考辨策論諸作詰經兼及子史詩賦雜作亦不可廢由本道捐廉給獎山長館課除敬修仍照舊章每月二十三日課文一次外每逢初八二十八尊經加課

二次每課或經文經解或策論詩賦由山長定奪賓興局所存公項卽以備館課分獎之用每課所獎若干由山長通知監院轉飭該局送由山長散發以示鼓勵屆期有因事不能應課者預向山長請假一日方准免扣膏火每月祇准因事曠課一次無故偷安卽行除名另調責成監院隨時察看毋許瞻徇

一講明經學半由師承半歸典籍斯地遠處邊隅購求匪易僅有何前道捐置 皇清經解一部蔣廳丞捐置淵鑑類函一部藏書甚少未免考据無從茲由本道捐置十三經註疏御批通鑑輯覽資治通鑑史記前後漢三國志古文淵鑑百

子全書漢魏叢書 欽定四書文各一部及應試要覽八部
發交監院存儲書院每年由監院擇住齋一人經管另立藏
書簿記一本各住齋肄業生取觀書籍由經管人籤條記明
某生取書若干本限期用畢繳還即將籤條撤銷以便接續
取閱務須屬令各生共相珍重毋致損壞亦不得攜帶出院
如有遺失責令經管人賠補每年加穀六石以專責成一年
交替由監院督同原經管人逐部點交清楚責令接管

一官課館課之外平時用功亦須立定規程某時讀經某時閱
史某時兼習時文詩賦由山長酌立學規按日考察如有玩
日廢學及夜間不住齋房用功者山長與監院嚴加訓誡約
束若不率教由監院稟請斥退另行擇補

一士先器識而後文藝品行不飭何貴通經諸生有志上進自
當品學兼優收變化氣質之效爲通儒卽爲純儒也如有志
趣卑污在院博奕縱酒詈罵鬪毆及開燈吸食洋煙者由監
院稟請斥逐除名另補以肅學規而維士習

附推廣章程四條

一提倡經學宜廣不宜隘敬修所取諸生既照定數選入尊經
書院肄業自應推廣章程通行屯防各書院一律擇取今擬
自本年起所有觀瀾綏陽立誠錦江雅麗五書院甄別所取
正副課生由本道詳加選擇各取四名歸入尊經書院肄業

每年除正副課膏火之外每名照章加給穀二十石自二月起至十一月止由本道按月隨同課卷獎賞札發該廳縣轉發各該監院傳領如有實徵進境者次年由本道酌留

一由敬修書院擇取諸生均令在尊經住齋肄業以期專勤此外五書院所取肄業生散居各地相距較遠若必令來筭住齋在諸生既不免跋涉之勞而書院齋房不多亦恐驟難拓地擬令每年自二月起至十一月止由各該監院傳令該生就近居住本處書院肄業其不住齋用功者由該監院知會該廳縣稟請另調

一課期定於每月十三日到期一律發題札由該廳縣轉發各

該監院發下經文經解而外有攷辦策論諸藝詰經兼及子史詩賦雜作亦不可廢量藝數多少限定日期交卷卷面註明肄業尊經書院字樣遞解來道不准遲延俟各處課卷解齊合六書院擇取諸生評定名次同榜發出獎賞統由本道捐給併課卷抄榜行知各廳縣轉發各該監院給領諸生有因事不及應課每年祇准一次逾者由本道扣除另補

一尊經書院在筭城已設立有年章程迄今始備至由各書院擇取肄業更屬創始所定名數自難過多諸生果能專勤自勵日起有功其未入選者亦當聞風興起共求實學如有應加課額之處屆時再由本道酌定

（This page contains several columns of extremely faint, illegible text, likely bleed-through from the reverse side of the page. The characters are too light to transcribe accurately.)

附錄

札飭辰州府轉發倡捐辰谿縣書院經費銀兩

光緒十

六年

辰沅道但湘良

為札發事照得本道前經通飭各屬振興文教其原有書院均應整頓捐備膏火以資造就如向無書院公款亦即趕緊妥籌經費建設在案昨本道因公道過辰谿假館書院詢知該書院因經費不敷每月考課無多當飭該縣教官蕭訓導傳諭首士力為勸捐經費以資振興茲本道倡捐銀二百兩合行札發札到該府立即遵照迅將發來捐銀二百兩轉發該縣及蕭訓導承領並飭令遵照本道面諭迅速勸辦將收明緣由及勸辦情形先行稟覆查考毋延

廣屬吏之多豈敢謂吏盡勤民而民皆得所一夫不獲一事不修誰之過歟過且難辭功於何有即使無過獨不思居位食祿所事伊何而自以爲功是務名也務名而民即以名奉之是徇私也本道豈肯自居於務名豈欲吾民相待以徇私乃近聞地方百姓竟有爲本道議建生祠者不禁瞿然驚而爽然失以爲吾民尙未喻本道愛民之心也夫官之求諸民者欲其遵政令易風俗莠者化而良澆者激而厚果其翕然受治如卑幼之從命於父兄弟子之奉教於師長訟獄不作疆圉乂安是卽吾民所以愛長官之心不能若此而乃以顯違例禁之事作粉飾承平之舉以爲官好名而以名附之此本道所謂徇私也官不好名而以名誣之尤非君子

愛人以德也舉而悖道不如其已况辰沅之地更不宜有是舉平民而外雜處兵苗氣類旣屬不齊好惡卽不能無異本道心雖從厚而力歉博施斷不能有見德而無見怨好我者固馨香以報德惡我者不將詛祝以報怨乎縱令人心一致而財力維艱購地庀材之貲不能不強爲籌畫平時生計褊狹民惟以糧爲家忽焉欲釀多金勢必執標下之兵勇屯丁逐名而資其捐助本道旣無以裕厥生涯反因此耗其物力是本道貽之累而重其窮也又况事同集腋弊多漏卮倡首者一本誠心而其中保無有不肖之徒藉名以圖科斂苗寨捐輸是其明鑒斂怨以爲德不惟無以安本道之心民亦失其愛本道之本心矣且夫生祠之建在本道尤有難

安者先人惠政民弗能忘既歿而後綏人士附木主於傅公祠不煩民力創舉也本道承先未逮深懼弗克負薪乃實則弗及而名則過之回思庭訓親承何以對先人而無怍由是以觀有損於下無益於上其決不可爲已昭昭矣合亟出示嚴禁爲此示仰合屬士紳軍民人等知悉務須其體予心轉相告諭乘此未興工程之先速爲停議本道瓜期已及又將與吾民別矣惟冀此後年穀順成兵民安堵邊界無搶劫之案羣苗息械鬪之風熙熙皞皞將千百年永登仁壽億萬姓各奉烝嘗較之爲本道一人虛名供養其規模不大而遠哉一經告誡倘仍故違則是有心好事 功令森嚴不能爲吾民曲宥也尙其懍遵

附錄

詳定土備弁不准越里挑拔已革不准覆充

光緒十六

年

辰沅道但湘良

爲詳請立案事竊照苗疆鳳凰乾州永綏古丈坪保靖五廳縣各設有土備弁所以示撫綏而資鈐束向章選拔備弁名缺不准越里保充其有因事降革之弁亦不得再請復充立法極爲周備乃近來各土備弁往往任意翫法營私魚肉羣苗激成控案迫經片革之後百計營求復充殊屬不成事體 職道 蒞任經年據苗民呈控土備弁之案不一而足均批飭廳縣澈訊明確分別究懲詳請降革在案惟思該降革各弁多係狡黠之徒難保不鑽營復充若再予以陞拔必至益無忌憚實於苗疆治理大有關礙 職道 擬請

飭令各廳縣嗣後挑補土備弁名缺應照向章以本里苗弁兵選
充不得越里挑拔并不准以因案降革各弁復請升拔以杜夤緣
并使現在各備弁亦知所做懼而不敢藐法妄為是否有當理合
具文詳請 憲台俯賜查核 批示立案除詳 督憲外為此備
由申乞 照詳施行須至詳者

撫部院張 批

如詳立案仰布政司轉移遵照仍候 督部堂批示繳

